



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-192-4/23**
Datum: **26.06.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „SUPERIOR GROUP“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda sa lokacije proizvodno-prodajnog objekta (proizvodnja prehrambenih proizvoda) izgrađenog u mjestu Luke, općina Ilijaš, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99 i 61/22), donosi:

R J E Š E N J E **o vodnoj dozvoli**

1. Pravnom licu „SUPERIOR GROUP“ d.o.o. Sarajevo daje se vodna dozvola za ispuštanje tehnoloških otpadnih voda sa lokacije proizvodno-prodajnog objekta (proizvodnja prehrambenih proizvoda) izgrađenog u mjestu Luke, općina Ilijaš na zemljištu označenom kao k.č. broj: 1511/1 i 1512/1 K.O. Ilijaš Grad, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije i izvršenog uviđaja na lokaciji objekta i pod slijedećim uslovima:
 - 3.1. Da pravno lice, „SUPERIOR GROUP“ d.o.o. Sarajevo obezbijedi da se sistem za prikupljanje, prečišćavanje i ispuštanje otpadnih voda sa lokacije poslovno-proizvodnog objekta- pogona za proizvodnja prehrambenih proizvoda, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Čišćenje uređaja za tretman tehnoloških otpadnih voda-mastolova, separatora masti i ulja kao i ostalog otpada sa lokacije predmetnog proizvodnog pogona može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora masti, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim ispustima u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
 - 3.5. Ukoliko Vlada kantona propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.

- 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Osigurati priručna sredstva za brzu intervenciju u slučaju nekontrolisanog rasipanja i isticanje tečnog opasnog otpada, kako bi se spriječilo moguće onečišćenje voda i tla.
- 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu členu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „SUPERIOR GROUP“ d.o.o. Sarajevo obratilo se ovoj Agenciji sa zahtjevom zaprimljenim 12.05.2023 godine za donošenje rješenja o vodnoj dozvoli za ispuštanje tehnoloških otpadnih voda sa lokacije proizvodno-prodajnog objekta (proizvodnja prehrambenih proizvoda) izgrađenog u mjestu Luke, općina Ilijaš na zemljištu označenom kao k.č. broj: 1511/1 i 1512/1 K.O. Ilijaš Grad, općina Ilijaš.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Aktuelni izvod iz sudskog registra, matični broj subjekta upisa 65-0-RegZ-22-009148 od 12.09.2022. godine, izdat od strane Općinskog suda u Sarajevu- ovjerena kopija,

- Uvjerenje o registraciji broj 04/1-UPJR/1-5691-2/18 od 23.10.2018. godine, Uprava za indirektno oporezivanje Banja Luka,
- Uvjerenja o poreznoj registraciji izdato od strane Kantonalnog poreznog ureda Sarajevo od 24.09.2018. godine- kopija,
- Kopija uplatnice administrativne takse,
- Rješenje o vodnoj dozvoli broj: UP-I/25-3-40-155-4/18 od 21.05.2018 godine izdato od strane „Agencije za vodno područje rijeke Save“ Sarajevo.
- Informacija broj: 1317/2019 od 12.07.2019 godine od strane JKP Vodostan Ilijaš
- Ugovor o zakupu poslovnog prostora sklopljen između zakupodavca „SUPERIOR GROUP“ d.o.o. Sarajevo i „INTERMEAT“ d.o.o. Sarajevo-zakupca dana 03.01.2018 godine,
- Opći akt o održavanju, korištenju i posmatranju vodnog objekta,
- Rješenje o vodnoj dozvoli broj: 07-04-25-4319/18 od 26.09.2018 godine izdato od strane Ministarstva privrede Kantona Sarajevo,
- Ugovor o čišćenju separatora, mastolova i septičke jame broj: 0591/19-DS sklopljen sa „DELTA- PETROL d.o.o. Kakanj, 12.04.2019 godine,
- Izvještaj o monitoringu kvaliteta i kvantiteta otpadnih voda pogona „SUPERIOR GROUP“ d.o.o. Sarajevo broj: 754/23, maj 2023 godine urađen od strane „Inspekt-RGH“ d.o.o. Sarajevo,
- Izvještaj o monitoringu kvaliteta i kvantiteta otpadnih voda pogona „SUPERIOR GROUP“ d.o.o. Sarajevo broj: 01-2-66-I/21, januar 2021 godine urađen od strane „Zagrebinspekt“ d.o.o. Mostar,
- Radni nalog za odvoz otpada od strane ovlaštene firme „DELTA- PETROL d.o.o. Kakanj, 14.06.2023 godine,

B.Tehnička dokumentacija

- Glavni projekat vanjskih instalacija vodovoda i kanalizacije na lokaciji proizvodno poslovnog objekta firme „SUPERIOR GROUP“ d.o.o. Sarajevo u industrijskoj zoni „Luke“ , općina Ilijaš, urađen od strane „ES HYDROTECHNICS“ d.o.o. Sarajevo,

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 08.06.2023. godine izvršen uviđaj na predmetnoj lokaciji poslovnog-proizvodnog objekta proizvodnja prehrambenih proizvoda o čemu je sačinjen Zapisnik o uviđaju broj: UP-1/21-3-40-192-2/23.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Lokacija izgrađenog pogona za proizvodnju prehrambenih proizvoda (kapaciteta 900 t/godinu) planirana je u mjestu Luke, na zemljištu označenom kao k.č. broj: n.p. 1511/1 i 1512/1 K.O. Ilijaš Grad, općina Ilijaš. Snabdijevanje vodom pogona za proizvodnju vina planirano je iz gradskog vodovodnog sistema a kojim upravlja JKP „Vodostan“ d.o.o. Ilijaš.

Odabrano rješenje za tretman tehnoloških otpadnih voda je hvatač masti –mastolov.

Tehnološke otpadne vode iz pogona za proizvodnju prehrambenih proizvoda iz biljnih i životinjskih sirovina koje nastaju u postupku pranja sirovina, tehnološke opreme i radnih prostora koja se putem kanalizacije odvođe u mastolov. Prečišćena tehnološka voda se spaja sa prečišćenom sanitarno-fekalnom preko okna za monitoring ispušta u gradski kanalizacioni sistem kojim upravlja JKP „Vodostan“ d.o.o. Ilijaš.

Prilikom uviđaja utvrđeno je da se unutar predmetnog objekta nalazi pravno lice „INTERMEAT“ d.o.o. Sarajevo koje vrši aktivnost uvoza i prodaje mesa. Tehnološke otpadne vode od pranja radnih površina u dijelu objekta koje koristi pravni subjekt „INTERMEAT“ d.o.o. Sarajevo se spajaju na postojeći sistem odvodnje, prečišćavanja i ispuštanja tehnoloških otpadnih voda na predmetnoj lokaciji.

Prema sklopljenom ugovoru zakupodavac „SUPERIOR GROUP“ d.o.o. Sarajevo je preuzeo obavezu plaćanja svih režijskih troškova u predmetnom objektu.

Prilikom uviđaja utvrđeno je da se ne vrši redovno održavanje i korištenje postojećih objekata i sistema čija je svrha prikupljanje tretman i odvodnja otpadnih voda.

Podnosilac zahtjeva je naknodno izvršio čišćenje od strane ovlaštene firme o čemu je dostavio dokaz. Takođe je dostavio i izvještaj o rezultatima monitoringu otpadnih voda sa predmetne lokacije čije je uzorkovaje izvršeno neposredno pred obavljanje uviđaja.

Izvještaj o ispitivanju kvaliteta otpadnih voda sa lokacije proizvodnog pogona (proizvodnja prehrambenih proizvoda) broj: 01-2-66-I/21, januar 2021 godine urađen od strane „Zagrebinspekt“ d.o.o. Mostar 1042/22, juli 2022 godine pokazuje da vrijednosti parametara efluenta nisu u skladu sa dozvoljenim vrijednostima propisanim Uredbom dok Izvještaj o ispitivanju kvaliteta otpadnih voda sa lokacije proizvodnog pogona (proizvodnja prehrambenih proizvoda) broj: 754/23, maj 2023 godine urađen od strane „Inspekt-RGH“ d.o.o. Sarajevo da su vrijednosti parametara efluenta u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „SUPERIOR GROUP“ d.o.o. Sarajevo, ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Alisehović, dipl.inž.građ.

Dostaviti:

- „SUPERIOR GROUP“ d.o.o. Sarajevo, Industrijska zona LUKE bb, Ilijaš (Prilog-tehnička dokumentacija pod tačkom B obrazloženja Rješenja)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava